

UNIVERZITET U TUZLI

Broj: 01-214-JN-10/25

Tuzla, 17.11.2025. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-214-JN-9/25 od 17.11.2025. godine, po punomoći Rektora Univerziteta u Tuzli broj: 01-6591-14/15 od 18.09.2025. godine, Direktor za ekonomske poslove, d o n o s i

ODLUKU O IZBORU NAJPOVOLJNIJEG PONUĐAČA

I

U Konkurentskom zahtjevu za dostavu ponuda javne nabavke digitalne platforme za Fakultet za tjelesni odgoj i sport (realizacija projekta TKFIT) Univerziteta u Tuzli, izabran je ponuđač "IMEL" d.o.o. Lukavac, sa ponuđenom cijenom od 16.000,00 KM bez uračunatog PDV-a, odnosno 18.720,00 KM sa uračunatim PDV-om, te se istom dodjeljuje ugovor o nabavci robe.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove propisane Tenderskom dokumentacijom i zato što je imala najnižu cijenu.

III

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

IV

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

O b r a z l o ž e n j e

Univerzitet u Tuzli pokrenuo je postupak javne nabavke digitalne platforme za Fakultet za tjelesni odgoj i sport (realizacija projekta TKFIT) putem Konkurentskog zahtjeva za dostavu ponuda broj: 01-214-JN-2/25 od 14.10.2025. godine objavljenom na Portalu javnih nabavki "E-nabavke" broj: 795-7-1-168-3-158/25 od 20.10.2025. godine, "Službenom glasniku BiH" broj: 63/25 od 24.10.2025. godine i WEB stranici Univerziteta.

U ostavljenom roku ponudu su dostavila tri ponuđača: "IMEL" d.o.o. Lukavac, "LEFTOR" d.o.o. Tuzla i "General IT an Software Solutions" d.o.o. Sarajevo.

Analizom ponuda utvrđeno je slijedeće:

1. Ponuda ponuđača LEFTOR d.o.o. Tuzla ne sadrži *Spisak osoblja zaposlenog kod ponuđača ili anagažovanog...* a što je jasno zahtjevano tačkom 3.7.1 c) tenderske dokumentacije: *"Spisak osoblja zaposlenog kod ponuđača ili angažovanog, sa njihovim imenima, sa napomenom da će ih u slučaju dodjele ugovora u punoj mjeri angažovati na realizaciji predmetnog ugovora, potpisan i ovjeren od strane ponuđača."*

Zatim, priložene biografije za tri zaposlena/anagažovana lica su na engleskom jeziku, a u tački 4.8 TD je jasno navedeno:

“Ponudāč podnosi ponudu na jednom od jezika u službenoj upotrebi u Bosni i Hercegovini. Sva ostala dokumentacija uz ponudu može biti na jednom od službenih jezika u Bosni i Hercegovini ili na nekom drugom jeziku pod uslovom da se obavezno priloži i prevod ovlaštenog sudskog tumača za jezik sa kojeg je prevod izvršen na jedan od službenih jezika u Bosni i Hercegovini.”

Nadalje, obrazac za ponudu ANEKS II nije potpisan a što je zahtijevano tačkom 4.1 b) TD: *“Obrazac za ponudu Aneks II propisno popunjen, potpisan i ovjeren od strane ponuđača u skladu sa formom koja je data u prilogu ove tenderske dokumentacije”* i Spisak izvršenih ugovora nije potpisan i ovjeren od strane ponuđača te se na spisku na mjestu potpisa navodi lice koje nije upisano u sudski registar da može zastupati ponuđača.

Zbog naprijed navedenog ponuda ponuđača “LEFTOR” doo Tuzla je ocijenjena kao neprihvatljiva i nepravilna i nije išla u dalju proceduru.

2. Ponuda ponuđača “IMEL” d.o.o. Lukavac sadrži sve dokaze zahtijevane tenderskom dokumentacijom, ali je zbog nejasnoće u dostavljenim referencama u vezi broja korisnika izrađenih web aplikacija i javnoj dostupnosti aplikacija ponuđaču upućen zahtjev broj: 01-214-JN-9/25 za dodatno pojašnjenje referenci dostavljenih u skladu sa tačkom tačkom 3.7.1. b) i 3.7.1 e) tenderske dokumentacije, tačnije da dodatno pojaśni reference u smislu broja korisnika izrađenih web aplikacija, te da pojaśni dostavljeni certifikat ISO 27001 u smislu opsega navedenog u certifikatu.

Ponuđač je ostavljenom roku, dana 12.11.2025. godine dostavio pojašnjenje broj: E-04-10.01-11999/25 u kojem je obrazložio dostavljene reference i priloženi certifikat sa jasnim dokazima koje je ugovorni organ analizirao i ocijenio prihvatljivim.

Zbog naprijed navedenog ponuda ponuđača “IMEL” doo Lukavac je ocijenjena prihvatljivom.

3. Ponuđač “General IT and Software Solutions” d.o.o. Sarajevo d.o.o. sadrži sve dokaze zahtijevane tenderskom dokumentacijom ali je zbog nejasnoće u dostavljenim referencama u vezi broja korisnika izrađenih web aplikacija i javnoj dostupnosti aplikacija ponuđaču upućen zahtjev broj: 01-214-JN-9/25 za dodatno pojašnjenje referenci zahtijevanih tačkom 3.7.1 b) i 3.7.1 e) tenderske dokumentacije, tačnije da dodatno pojaśni reference u smislu broja korisnika izrađenih web aplikacija, te da dostavljeni certifikat ISO 27001 pojaśni u smislu opsega navedenog u certifikatu. Ponuđač je ostavljenom roku, dana 14.11.2025. godine dostavio pojašnjenje broj: ODG01-25-PI:0250/25 u kojem je obrazložio dostavljene reference i priloženi certifikat sa jasnim dokazima koje je ugovorni organ analizirao i ocijenio prihvatljivim.

Zbog naprijed navedenog ponuda ponuđača “General IT and Software Solutions” d.o.o. Sarajevo je ocijenjena prihvatljivom.

Obzirom da u predmetnom postupku javne nabavke nije predviđena e-aukcija, sačinjena je rang lista prihvatljivih ponuda po povoljnosti kako slijedi:

PONUĐAČ	PONUĐENA CIJENA KM (bez PDV)	RANG
IMEL doo Lukavac	16.000,00	1.
General IT and Software Solutions doo Sarajevo	17.085,64	2.


Budući da ponuda ponuđača "IMEL" d.o.o. Lukavac je ocijenjena kao prihvatljiva i ima najnižu ponuđenu cijenu, Komisija je dala preporuku da se navedeni ponuđač izabere Odlukom o izboru najpovoljnijeg ponuđača za nabavku digitalne platforme za Fakultet za tjelesni odgoj i sport (realizacija projekta TKFIT), te da mu se dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-214-JN-9/25 od 17.11.2025. godine

DOSTAVITI:
1x učesnicima
1x A/a



DIREKTOR ZA
EKONOMSKE POSLOVE

